



水雲村紙藁

九日

九日明朝是西風故宇非黃花隨處有白髮爲誰稀  
天地開皇極星辰扈太微酒闌看漢月清露已沾衣

喜雨

江城六月暑赤日漲黃氛此地昨宵雨他山何處雲  
飛秋遞信池滿水生紋一洗炎歊盡長空月十分

夜坐

劉壘

水雲村紙藁

國家圖書館 NATIONAL CENTRAL LIBRARY, TAIWAN, R.O.C.

南豐劉 壘起潛

涼宵感平昔欲睡復誰休十事九失意半生多是愁煙  
空下獨鶴雲浪隱羣鷗蕭索江南路西風又早秋

再用勞友歸自洪都

幾年此膝閣今日竟誰樓好景自南浦春風盡北舟江  
平蛟影亂天暝鶴聲愁欲賦無窮景枯腸已倦搜

奮冠

未死身何寄謀生計轉沉從渠天地濶奈此雪霜深歷  
歷平生事悠悠永夜心不眠何限感涼月半窗陰  
往事盡陳迹幾年無好懷日沉蛇虺出風急鴈鴻哀尚

壯鬢先雪多愁心未灰何山雲色動豪氣酒邊回

辛卯記年

五十今踰二勞生又一年平川風雨暗短鬢雪霜懸百  
計成痴想多愁付宿緣春深花滿岸欲泛五湖船

得阿麟信

客去已俱返汝歸何獨遲陰晴千里路朝暮幾回思忽  
得平安報聊寬老大悲團團知有日細話別家時

病後枕上

聲夢閒綠境靜病去覺身輕饑

鼠翻檠墮寒狸踐瓦驚獨餘丹竈火到曉尚通明

春谷約游英渡不果再約雲峰送春

渡口尋雲去相看古道醇有情招老友無分作游人雨  
打歸帆急天開畫幅真今朝雲又黑未許踏殘春

三月晦日宴丹山

晴雲開永晝佳會及良辰共醉十分酒猶餘半日春庭  
花紅影亂簷樹綠痕新細與薰風說遲遲莫逼人

寧都旅邸遇李德純

判袂城東路郵亭柳屢新雲邊飛馭遠夢裏得書頻秋

色金精曉光風玉樹春相逢如有約醉倒卧樓人

陳園陪史君飲

勝事滁亭集呼來感意真老難禁酒力病復損吟身斜  
日花前影光風座上春醉翁原不醉翻笑吐茵人

題深靜亭

亭檻寄心賞史君端不凡千竿宜翠倚一鏡漾紅酣道  
自深思悟詩從靜境參篆題繡筆霜氣拂晴嵐

和丁使君九日飲

着我龍山會崇儒意倍加冷風欺破帽晴日照高牙酒

灑初浮菊詩成句吐花憂民有良牧田里不須嗟

羅巡檢再任瑞州

熟路重游宦長亭又送君藝文周俊士材武漢將軍馬  
健衝嵐霧鵬高挾海雲不須攜一硯清苦建殊勳

酬張鏡泉

竹光猶隱隱棣萼更怡怡早歲叅前輩名家記舊時蕭  
閒風雅國清絕雪霜姿見說秋吟苦無眠月滿擘  
不覺書成誤霜華早滿頭百年空自力萬卷竟何酬海  
浪魚龍曉天風鴻鵠秋新知得三益何羨爵通侯

送李辰翁游武昌訪友

乍識嗟輕別長歌送遠游雨聲層漢曉帆影大江流秋萬  
里青雲路三生白雪樓清吟興何許黃鶴磯頭

岷山導江圖

江出岷來脉絡通翻波湧峽各西東蜀山浮雲淡  
漢壘茫茫落照紅風景豈曾移古昔畫圖空在老英雄  
傷心一髮衰斜路何日三軍向洛中

送翁中書合赴鎮贛州

履屨班聯咫尺間高牙何自遽臨藩紅翻藥影閭綸筆

翠夾虹流護戟門  
控制三門軍府壯  
提封數郡將權尊  
詔飛有日催秋觀  
歸挾豐年報主恩

癸酉成都嘉定捷

西風塵暗浣花溪  
又見天回暎日輝  
諸將旌旗雲外擁  
滿城笳鼓月中歸  
端門凱奏降俘見  
劍閣秋清哨騎歸  
遺老歡呼奉牛酒  
爭傳寬詔淚沾衣

文相南歸次桂舟韻

未忝秋風周不西  
誰將妙着轉危機  
獻城壯士朝燕去  
戀闕孤臣泛海歸  
江路瀉鷺千騎出  
水天龍挾五雲飛

間關萬險君臣義  
成敗由天孰是非

哀文魁天祥陳魁文龍死節

兩朝親策士如雲  
何限掄魁委路塵  
同壽乾坤惟二老  
增光華夏此全人  
已無地載虞淵日  
尚與天爭漢苑春  
更好長沙尋老守  
雲間攜手看降臣

江頭別友

語留檣燕漫多情  
倦客懷歸適耦耕  
雲樹灣灣隨水轉  
春帆岸岸帶花行  
一樽惜別天風暮  
兩地相思月影清  
後日重來攜手處  
憶今情話似前生

秋夜有懷

行雲過鴈兩悠悠幾度相思夜倚樓花豈無情天不惜  
人今何處水空流醉忘前事醒還在夢似平生覺未休  
坐對閒堦無限意寒燈孤影露華秋

壬午元日陰雨

今年四十又加三老色侵人意未甘世路風霜新曆首  
梅花冰雪舊江南山迷曉靄春如恨天入鴻濛夢正酣  
萬里東風迴宇宙陰霾淨掃轉晴嵐

賈似道

手翻清畫作昏黃渺渺山河入混茫漢祖有恩慚馬邑  
懷王何罪老咸陽河堤柳在春光薄御苑花空墜影長  
誰把金甌輕一擲西風行客話平章

泛舟水南五昌廟觀古碑

野廟蕭條僅隔江此生纔此步荒涼陰森艸樹岸千尺  
清絕水雲秋一航世換已恢唐境土碑存猶載宋文章  
人民城郭知何似歸棹啼烏滿夕陽

晚春郊行

淡淡春陰雨乍乾小輿行野楚天寬千山雲湧嵐光潤

萬壑泉飛雪色寒地少過軍仍鼓吹路多遺老白衣冠  
晚歸忽轉輕風暖吹動醪釀玉一團

寄雪礪陳提舉

天台人  
寓杭

迢迢吳楚隔山川一別光風四十年花滿故宮天入畫  
曲翻新譜月籠煙夢陪笑語人疑在書報平安鴈不傳  
棠蔭未移吟客老何時重見赤城仙

軍中遇易雪垕

向來吟社得良朋老欲追隨恨不能情豈忍忘人自遠  
書猶難到夢何憑幾回月下思元度一笑兵前遇少陵


款款論心慰岑寂攜筇同上白雲層

舟中遣興

自別延津第七程明朝穩穩泊樵城日穿雲際雨聲息  
地近江西人語平山半有田禾早熟溪頭無逕州秋榮  
倚篷局促斜陽暮擬向長提自在行

次秋麓叔長韻

知爲春吟廢晝眠一天好景此翁前鳥喧津樹暗光穩  
日上庭花午影圖老筆有神天下士太空無礙地行仙  
阿咸醉裏狂猶在徑欲乘風到酒泉



國家圖書館, NATIONAL CENTRAL LIBRARY, TAIWAN, R.O.C.

